

### Escòla de la vita...

N'i a quò d'enguera, 'ùei, un endrech, un país, daus òmes sus nòstra terra de França que sian fiers de portar naut lurs colors e que respecten las colors de l'autre e sa cultura. Òc ! 'quelas femnas e 'quilhs òmes apartenen tots a un' escòla, l'escòla dau rugbi. Un' escòla aus colors dau miegjorn dont les pòrtas son larjament drubidas sus son País, lo País d'Òc tot entier. Tot lo monde i es lo benvengut. L'um apren a se coneitre e a s'agradar coma l'um es, tau que l'um es fisicament e quauque que sia sa color de peu o de piau, per çò que dins 'quel' escòla l'intolerancia n'es pas de mesa. Dins 'quel' escòla es important que chascun trobesse sa plaça. L'um ne n'i tricha pas, perque coma dins tot espòrt collectiu si vos podetz comptar sus los autres, los autres compten sus vos. Si l'um apren tanben a èsser rigoros devers se-mesme ; qu'es 'qui que l'um apren çò que volen dire l'égalitat, la fraternitat e la solidaritat. E si la solidaritat deven fraternitat tots los que juguen au rugbi vos credaran naut e fòrt : quante l'um entra dins l'escòla de l'ovalia, queu punt d'estachament fai que maugrat que çò l'um via entre dos e maugrat l'entraupa de la vita, l'um demòra un pitit dau rugbi e l'um n'i tòrna totjorn. Los companhons de juòc devenen viste daus amics e los benevòles que venen balhar un còp de man rencontren d'autra gent que devedran viste lurs amics... Bon es ! Que dau bonur... Lo rugbi es mai que mai qu'un esperit, qu'es un art de viure que vai jurc'au respiech daus adversaris, etz-vos vu quauqua vetz daus jugadors de fotbòle que an ganhat se botar en fila a la fin de la partida per saluar e portar onor a lur adversari ? E 'quela combativitat pendent la rencontra que lascia plaça a-d'una formidabla tresma mieg-temps. 'Quelas chausas simplas fan que lo rugbi demòra un espòrt nòble e chaloros. Lo quites suportaires an lo drech de beure de la biera a l'òrle de l'estadi sens que quò menesse a la violença o b'etot a daus actes racistes. Viva lo rugbi... !

### Ecole de la vie

*Y a-t-il encore, aujourd'hui, un lieu, un pays, des hommes sur notre terre France qui soient fiers de porter haut leurs couleurs et qui respectent les couleurs de l'autre et sa culture. Oui ! Ces femmes et ces hommes appartiennent tous à une école, l'école de rugby. Une école aux couleurs du sud dont les portes sont grandement ouvertes sur son Pays, le Pays d'Òc tout entier. Tout le monde y est le bien venu. On y apprend à se connaître et à s'assumer tel que l'on est, tel que l'on est physiquement, quelque soit sa couleur de peau ou de poil, parce que dans cette école l'intolérance n'est pas admise. Dans cette école il est une règle, il faut que chacun trouve sa place. On n'y triche pas, parce que, comme dans tout sport collectif, si vous pouvez compter sur les autres, les autres comptent sur vous. Si l'on y apprend aussi à être rigoureux avec soi-même, c'est ici que l'on apprend ce que veulent dire l'égalité, la fraternité, la solidarité. Et si la solidarité se transforme en fraternité tous les rugbymen de la terre pourront vous le crier haut et fort : lorsque l'on entre dans l'école de l'ovalie, ce point de rattachement fait que quoique l'on vive entre deux et malgré les obstacles de la vie, on reste des enfants du rugby et on y retourne toujours. Les partenaires de jeu deviennent très vite des amis et les bénévoles qui viennent donner un coup de main rencontrent d'autres personnes qui deviendront vite leurs amis... Bref, que du bonheur... Le rugby est plus qu'un esprit, c'est un art de vivre qui va jusqu'au respect des adversaires, avez-vous vu quelquefois des joueurs de foot gagnants se mettent en rang à la fin du match pour saluer et honorer leurs adversaires ? et cette combativité pendant le match qui laisse place à une formidable 3<sup>ème</sup> mi-temps. Ces choses simples font que le rugby reste un sport noble et chaleureux. Même les supporters ont le droit de boire des bières au bord des stades sans que cela entraîne de la violence ou des actes racistes. Vive le rugby... !*



**contact - secrétaire : la SENDARELA limosina,**  
4, rue porte des remparts, 87310 ST-AUVENT  
0555000130 – 0682444160  
[sendarela.limosina@orange.fr](mailto:sendarela.limosina@orange.fr)

